

土岐文庫
文庫17
W114
6



文庫 17
W114
6



昌黎先生詩集注卷第九

律詩八十五首

題楚昭王廟

近體節非公得意處要之自是雅音

嗣立按史記楚世家平王卒乃立太子珍是為昭王在位二十一年公外集有記宜城驛云驛東北有井傳是昭王井井東北數十步有楚昭王廟高木萬株舊廟屋極宏盛今惟草屋一區然問左側人尚云每歲十月民相率聚祭其前元和十四年二月二日題蓋與此詩同作也

邱墳一作墳滿目衣冠盡城闕連雲草樹荒猶有國人懷
舊德一閒茅屋祭昭王昭王欲用孔子而為子西所沮公之託意或在於此與

宿龍宮灘

陽山縣志龍宮灘在縣西十五里

浩浩復湯湯音商灘聲抑更揚奔流疑激電驚浪似浮

平穩

若草草然卻有風致全在一閒茅屋四字上
意味深長昌黎絕句中第一

昭和六年二月一日
土岐善唐氏
寄贈

010185187816

下半首竟與上半首
不照應然以思鄉語
正謂意到而筆不到
也
幽意勝

儘有色態但稍未入
雅

霜夢覺燈生。暈宵殘。雨送涼。如何連曉語。一半是思鄉。
一作祇是說家鄉

西清詩話黃魯直云退之裁聽水句尤見工所謂浩浩湯湯抑更揚者非諸客裏夜臥飽聞此聲安能周旋妙處如此邪

又魚招張功曹

四字

周禮以時籍魚鄭氏云以叔刺泥中取之詳見卷三八月十五夜贈張功曹詩注

又魚春岸關。此興在中宵。大炬然如晝。長船縛似橋。
深窺沙可數。靜撈水無搖。見卷五和盧雲夫送盤谷子詩注刃一作手下那能脫。
波閒或自跳。中去聲鱗鱗一作疑錦碎當去聲目訝珠銷。迷火逃翻近。驚人去暫遙。競多心轉細。得雋語時蹀。見卷八城
南聯句潭罄知存寡。舫音賢一作船平覺獲饒。交頭疑湊餽。駢首類同條。濡沫情雖密。莊子大宗師篇泉涸魚相與處於陸相向以涇相濡以沫登門事一作志

已遼

辛氏三秦記河津一名龍門水險不通魚莫能上

盈車欺故事

孔叢子衛人釣魚於河得魚焉其大盈車

飼音犬驗今朝

鹽鐵論江陵之人以魚飼犬杜子美黃魚詩脂膏兼飼犬

血

浪凝猶沸腥。風遠更飄蓋。江煙羃羃莫狄切拂一作迴棹影

寥寥獺去愁無食。龍移懼見燒。如棠名旣誤。左傳隱公五年公將

如棠觀魚者

釣渭日徒消

史記齊太公世家呂尚年老漁釣周西伯出獵過於渭之陽

文客驚先賦

篙工喜盡謠

選吳都賦篙工楫師選自閩馬

膾成思我友。觀樂憶吾僚。杜

美觀打魚詩吾徒胡爲縱此樂

自可捐憂累。何須強問鴉。

選賈誼鵬鳥賦序鵬似鴉不祥鳥也鵬鳥賦請

問于鵬兮余去何之

李員外寄紙筆

三韻律詩

方云李伯康也伯康以貞元十九年爲郴州刺史權德輿集有墓志宋云公祭李郴州文獲紙筆之雙賢卽謂此事投又魚之短韻亦指前篇也

語不多道來卻好自
覺親切有味

題是臨池後

張彥遠法書要錄張芝善草書臨池學書池水盡黑

分從起草餘

漢官儀尚書郎主作

文書起草

兔尖鍼莫並

補注西京雜記天子筆以錯寶為耐毛皆以秋兔之毫

繭淨雪難如

世說

義之書蘭亭序用蠶繭紙

莫怪殷勤謝虞卿

史記虞卿傳虞卿不得意乃著書曰虞氏春秋天史

公曰虞卿非窮愁亦不能著書

著書句應上有力味乃長

次同冠

一作弄

峽

云公有同冠峽詩與此詩凡二章皆赴陽山時作嗣立接胡渭云今廣州府陽山縣西北七十里有同官峽接連州界疑卽此同冠峽也

結句從張曲江詠詩化出

今日是何朝天晴
一作清物色饒落英千尺墮
遊絲百丈飄泄乳交巖脈懸流揭浪標
無心思嶺北猿鳥莫相撩

答張十一功曹

唐本有張著寄公詩

按不載張詩并失古人編次之體

四句點景有靜味

五六既不如屈子之
獨懣結仍借答詩以
見其憔悴可謂怨而
不亂矣

山淨江空水見沙
哀猿啼處兩三家
篔簹競長纖纖笋
異物志篔簹生水邊長數丈圍一尺五六寸廬陵界有之
躑躅開
一作初開豔豔花
羊躑躅花名見
卷三杏
未報恩波知死所
左傳文公二年狼莫令炎瘴送生涯
和子美詩應須美酒送生涯
吟君詩罷看雙鬢
斗覺霜毛一半加
任子美詩中健語也前輩多使退之詩有此句東坡詩黃昏斗覺羅裳薄後山詩斗覺文字生清新

郴州祈雨

音琛

唐地理志郴州桂陽郡屬江南道

乞雨女郎魂
包羞潔且繁
廟開鼯鼠叫
見卷一南神降

越巫言

更記封禪書漢武帝令越巫立越祝祠

旱氣期銷蕩
陰官想駿奔

書駿奔走執豆

行看五馬入

嗣立補注潘子真詩禮天子六馬左右驂三公九卿駟馬左驂漢制九卿則二千石以右驂太守駟馬而已其加秩中二千石乃右驂故以五馬為太守美稱遜

蕭颯已隨軒

謝承後漢

書鄭宏為淮陰太守政不煩苛天早行春隨車致雨

湘中酬張十一功曹

此召還志喜也

休垂絕一作越微干行淚顏師古漢書注微猶塞也共泛清湘一
葉舟嗣立補述軒后木紀見浮葉乃為舟黃閔武今日嶺猿兼越鳥
可憐同聽不知愁

榔口又贈二首

山作劔攢江寫鏡扁舟斗轉疾於飛迴頭笑向張公
子嗣立按劉石齡云漢五行志張公子時相見杜子美詩天上張公子又好去張公子終日思歸此日歸
雪一作雲颭霜翻看不分雷驚電激語難聞沿涯一作崖宛轉
到深處何限青天無片雲

題木居士二首

遺味天然非假雕飾

退之曾得闕自別有
一種興趣此反用猿
鳥意亦唐人所未有

醒快

二意尤妙含味無窮

格淨氣味自不同

火透波穿不計春根如頭面榦如身偶然題作木居
士便有無窮求福人

張芸叟木居士詩序未陽縣北沿流二三十里齋口寺即退之所題木居士在焉元豐初以禱旱不應為邑令析而薪之今存者乃僧道符更刻

為神詎比溝中斷莊子天地篇百年之木破為犧樽青黃而文之其斷在溝中比犧樽于溝中之斷則美惡有閒矣其

於失性一也遇賞還同爨下餘後漢蔡邕傳在吳人有燒桐以爨者邕聞火烈之聲知其良木因請而裁為琴果有

美音而其尾猶焦時人名曰焦尾琴焉朽蠹不勝刀鋸力匠人雖巧欲何如

晚泊江口

郡城朝解纜江岸暮依村二女竹上淚用湘妃事孤臣水底

魂用屈原事雙雙歸蟄燕嗣立按吳兆宜云音郁鑿傳鑿避難于魯國澤山掘野鼠蟄燕而食之一一叫

羣猿迴首那聞語空看別袖翻

氣勁有勢

古質可喜

湘中

猿愁魚踊一作躍水翻波自古流傳是汨音羅漢賈誼傳為賦

聞屈原今自湛汨羅師古曰汨水名在長沙羅縣蘋藻滿盤一作船無處奠空聞漁父叩

舷一作船歌楚辭漁父篇漁父莞爾而笑鼓枻而去王逸曰鼓枻叩船舷也

別盈上人

方云柳子厚集有誠盈住衡山中院

山僧愛山出無期俗士牽俗來何時祝融峰下一迴首即是此生長別離

喜雪獻裴尚書一無下四字

嗣立補注唐書裴均字君齊累遷荆南節度使加檢校吏部尚書

宿雲寒不卷春雪墮如筵所宜切一作篩騁巧先投隙潛光半

退之狀物每欲極似以此反稍粘滯

拙句

平施字借得好換字絕妙略停孟冷已不禁也

入池喜深將策試驚密仰簷窺自下何曾汗增高一作亂

未覺危比心明可燭拂而愛還吹如舞時飄袖欺一作見

梅併壓枝地空迷界限砌滿接高卑浩蕩乾坤合霏

微物象移為一作驗祥矜大熟布澤荷平施已分年華晚

猶憐曙色隨氣嚴當酒換一作暖灑急聽窗知邵氏問見錄荆公嘗以力去陳

言誇未俗可憐無補費精神薄退之然其詠雪則云借問火城將策試何如照

曜臨初日玲瓏滴晚一作曉澌聚庭看嶽聳埽路見雲披

陣勢魚麗一作離遠嗣立補注左傳桓公五年鄭人為魚麗之陳先偏後伍

之此蓋魚麗陣法書文鳥篆奇嗣立補注張懷瓘書斷書頡頏察龜文鳥跡之象

誦蒼頡眺彼鳥跡始作書契縱歡羅豔點列賀擁熊螭履弊行偏冷東郭

先生行雪中履有門局臥更羸汝南先賢傳時大雪積地丈餘洛陽令至袁安門無有行路謂安已死令人除

數語亦工但於喜意稍肯

雪入戶見見僵臥悲嘶聞病馬鳥一作浪走信嬌兒竈靜愁煙絕絲

繁念鬢衰擬鹽吟舊句晉謝道韞傳嘗家集俄而雪驟下謝安曰何所似兒子朗曰撒鹽空中差可擬授

簡幕前規選雪賦梁王遊于兔園俄而雪下王迺授簡于司馬大夫曰佯色揣稱為寡人賦之捧贈同燕石

關子宋之愚人得燕石藏之以為大寶周客聞而觀焉笑曰此特燕石也其與瓦甃不殊多慙失所宜

春雪

看二句。領起。倚仗。以所見。雪。色。春。色。雪乘清且無人坐獨獨坐謠拂花輕尙起落地暖

初銷已訝陵歌扇還來伴舞腰灑篁留密一作節著柳

送長條入鏡鸞窺沼行天馬度橋沈存中云杜子美詩紅粉

迎濤日風毛縱獵朝都賦風毛雨血弄閒時細轉爭急

忽驚飄城險疑懸布左傳襄公十年晉荀偃上句伐偃陽主人縣布董文登之及堞而絕之砧寒未

發端深妙非春雪不稱

以下不見春意

城險一聯語頗工然不必春雪也

擣繡莫愁陰景促夜色一作自相饒

聞梨花發贈劉師命

桃蹊一作惆悵不能過嗣立補注漢李廣傳贊桃李不言紅豔紛

紛落地多聞道郭西千樹雪欲將君去醉如何

春雪閒一作早梅

梅將雪共春彩豔不相因逐吹能爭密排枝巧如新

誰令香滿座獨使淨無塵芳意饒呈瑞寒光助照人

玲瓏開已徧點綴坐來頻那是俱疑似須知兩逼真

熒煌初亂眼浩蕩忽迷神未許瓊華比詩尚之以瓊華乎而從將一作

長輝映輕微一作敢自珍將玉樹親選百泉賦翠玉樹之青蔥先期迎獻歲更伴占茲辰一作願得

應法日語。夜色二字相對作關鎖色字仍與看字呼應

逸興飄然

鑿空撰出清意襲人可謂寫生神手

清切
稍遜前首然句是
早間亦流快動人

粗豪自肆

以豪氣驅遣磊落痛

早春雪中聞鶯諸本或在入
關詠馬之後
朝、鶯、雪、裏、新、雪、樹、眼、前、春、帶、澀、先、迎、氣、侵、寒、已、報、人。
共、矜、初、聽、早、誰、貴、後、聞、頻、暫、囀、那、成、曲、孤、鳴、豈、及、辰。
風、霜、徒、自、保、桃、李、詎、相、親、寄、謝、幽、棲、友、辛、勤、不、為、身。
梨花下贈劉師命

方云蘇魏公云
當錄於古詩中

洛陽城外清明節、百花寥落梨花發、今日相逢瘴海
頭、其驚爛漫開正月。

和歸工部送僧約原注工部
歸登也

嗣立補注舊唐書歸登字冲之舉孝廉復登賢良科
累遷工部尚書空方云約荊州人詳見劉夢得集

早知皆是自拘囚、不學因循到白頭、汝既出家還擾

快

擾何人更得一作
向死前休。

入關詠馬

是自道

歲老豈能充上駟史記孫子傳今以君之下駟與
彼上駟取君上駟與彼中駟力微當自慎
前程不知何故翻驤首選晉白馬賦眷
西極而驤首牽過關門妄一作
忘一
鳴。

木芙蓉

新開寒露叢、遠比水閒紅、豔色寧相妬、嘉名偶自同。
採江官渡晚選古詩涉
江採芙蓉攀木古祠空楚辭九歌攀
芙蓉兮木末願得一作
須勤
來看、無令便逐風。

采云此詩言荷花與木芙蓉生不同處而色皆美名又同故以採
江攀木二事相對言其生處而九歌者祭神之辭故曰古祠也

題張十一旅舍二詠

兩詩意調俱新俱偏
鋒

榴花

五月榴花照眼明，枝間時見子初成。可憐此地無車馬，顛倒青苔落絳英。

井

賈誼宅中今始見。嗣立補注：荆州記：湘州南寺之東有賈誼宅，宅之中有井，井旁有石有局，脚牀可容一人坐，形制甚古。皆傳曰：即誼所坐。杜子美詩：長懷賈傅井依然。葛洪山下昔曾窺。嗣立補注：晉葛洪傳：字稚川，止羅浮山，煉丹，羅浮山者五百餘人置觀四所，今井存焉。寒泉百尺空看影，正是行人渴死時。

新莖未徧半猶枯，高架支離倒復扶。一作：後扶若君欲滿盤堆馬乳。蜀本圖經：本草：蒲萄子有紫白二色，又有似馬乳者。莫辭添竹引龍鬚。

蒲萄

此是常調耳

峽石西泉

居然鱗介不能容，石眼環環水一鍾。聞說旱時求得雨，祇疑科斗是蛟龍。

梁國惠康公主挽歌

唐書：梁國惠康公主，憲宗長女，特愛之，下嫁于季友元和中薨。宋云：楊士謬集有梁國惠康公主挽歌詞二首。注云：時詔令百官進詩，嗣立補注：譙周法訓挽歌者，高帝召田橫至尸鄉自殺，從者不敢哭而不勝哀，故為此歌以寄哀音焉。

定謚芳聲遠，移封大國新。巽宮尊長女，巽為長女台室屬良人。云：季友之父順為相，故云台室。河漢重泉夜，梧桐半樹春。龍轎音非厭翟，於涉切翟音王后之五輅。二曰厭翟，鄭氏云：次其羽使相迫也。還輶禁城塵。詩：小序：王姬下嫁於諸侯，車服不繫其夫，下王后一等。鄭箋：謂車乘厭翟，勸而續總。

兩結俱脫灑有致

觀三四公主似以乳子死

著意雕刻稍有痕跡且語多拙滯不為佳

秦地吹簫女用列仙傳蕭史事見卷五誰氏子詩注 湘波鼓瑟妃用楚辭遠游篇見卷八遠游聯句詩注
佩蘭初應夢左傳宣公三年鄭文公有賤妾曰燕姑夢天使與已蘭曰以是為而子既而文公與之蘭而御之生穆公名之曰蘭
奔月竟淪輝用淮南子姮娥事見卷五月蝕詩注 夫族迎魂去官官會葬歸
從今沁園草後漢竇憲傳奪沁水公主園田注沁水公主明帝女 無復更芳菲

和崔舍人詠月二十韻原注崔萃也

三秋端正月今夜出東溟對日猶分勢騰天漸吐靈
未高悉遠氣半上霽孤形赫奕當躔次虛徐度杳冥
長河晴散霧列宿音秀曙分螢浩蕩英華溢瀟疎物象
冷一作池邊臨倒照簷際送橫經花樹參差見臯禽斷
續聆詩鶴鳴于九臯爾立補注 隔光窺寂寞砧影伴娉婷幽

爾立補注舊唐書崔萃傳元和初召為翰林學士歷中書舍人

四首多新致四首俱有幽致

工巧

羽沈縉細穩切

馬還朝再出亦曰昔徵從典午得就閒官即至公

獨釣一作酌四首

侯家林館勝偶入得垂竿曲樹行藤角平池散芡盤
羽沈知食駛一作快縉細覺牽難聊取夸兒女榆條繫
從鞍
一徑向池斜池塘野草花雨多添柳耳水長減蒲芽
坐厭親刑柄王云時公為刑部侍郎偷來傷釣車太平公事
少吏隱詎相賒爾立補注杜子美詩
獨往南塘上秋晨景氣醒露排四岸草風約半池萍
鳥下見人寂魚來聞餌馨所嗟無可召不得倒吾餅
秋半百物變溪魚去不來風能一作坼芡背露亦一作染

魚鳥一聯極似老杜

景句俱工

梨。顛。遠。岫。重。疊。出。寒。花。散。亂。開。所。期。終。莫。至。日。暮。與。誰。迴。

枯樹

老。樹。無。枝。葉。風。霜。不。復。侵。腹。穿。人。可。過。皮。剝。蟻。還。尋。寄。託。惟。朝。菌。嗣立補注莊子逍遙遊篇朝菌不知晦朔依。投。絕。暮。禽。猶。堪。持。改。火。未。肯。但。空。心。工切而不板俗改火意尤新

元日酬蔡州馬十二尚書去年蔡州元旦見

寄之什

元。日。新。詩。已。去。年。蔡。州。遙。寄。荷。相。憐。今。朝。縱。有。誰。人。領。自。是。三。峰。不。敢。眠。

詠燈花同侯十一一作同侯十一詠燈花原注侯十一喜也

還作三冬為近

運意沉細得詠物趣

今。夕。知。何。夕。花。然。錦。帳。中。自。能。當。雪。暖。那。肯。待。春。紅。黃。裏。排。金。粟。方云何遜詩金粟裏搔頭蜀人史彥升曰黃裏排金謂額開花鈿也釵。頭。綴。玉。蟲。更。煩。將。喜。事。來。報。主。人。公。一作翁嗣立補注西京雜記燈火花得錢財史記范雎傳主人翁習知之

雪浪齋日記云此詩極似少陵

祖席

前字

一二題前字秋字上皆有得字原注以王涯徙袁州刺史而作

方云按舊紀涯刺袁州元和三年四月也公時在東都故曰祖席洛橋邊嗣立補注新唐書王涯傳涯錫皇甫湜以賢良方正對策異等忤宰相涯坐不避嫌罷學士再貶虢州司馬徙為袁州刺史漢疏廣傳設祖道供帳東都門外景十三王傳祖於江陵北門師古曰祖者送行之祭因饗飲也昔黃帝之子纁祖好遠遊而死於道故後人以為禱神也

祖。席。洛。橋。邊。親。交。共。黯。然。野。晴。山。簇。簇。霜。曉。菊。鮮。鮮。書。寄。相。思。處。盃。銜。欲。別。前。淮。陽。知。不。薄。

嗣立補注漢汲黯傳召拜為淮陽太

唐德堂重刊顧氏本

唐人別詩甚多此詩敘景述情猶覺稍出新意其架構之妙亦只在幾希間

守黯伏謝不受上曰君薄淮陽
邪選謝玄暉詩淮陽股肱守 終願早迴船

秋字

淮南悲木落嗣立補注淮南而一作我亦傷秋況與故人別

那堪羈宦愁榮華今異路風雨苦同憂莫以宜春遠

江山多勝遊公自題云兩詩何處好

送鄭尚書赴南海

嗣立補注唐書鄭權汴州開封人擢進士第穆宗立累遷工部尚書結權幸求鎮守于是檢校尚書右僕射嶺南節度使按公集有送鄭尚書序唐地理志廣州南海郡

番禺軍府盛嗣立補注舊唐書南海縣即漢番禺縣也地以番山禺山名欲說暫停盃

蓋海旂幢出連天觀閣開衙時龍戶集韓云南部新書長安有龍戶見水色

則知有龍或引出但鯨魚而已云上日馬人來唐南蠻傳環王有五銅柱馬援所植援還雷不

清空一氣如話絕有少陵風格

得體

風力亦何減少陵

那書

三日柴門擁不開階平庭一作庭滿白皚皚嗣立補注杜子美詩厓沈谷沒白皚皚

今朝蹋作瓊瑤跡為有詩從一作仙鳳沼來嗣立補注晉荀勗傳勗自中書監為

尚書令或有賀之者曰奪我鳳皇池諸君賀我邪

送侯喜

質朴可喜微近戲

已作龍鍾後時者懶於街裏蹋塵埃如今便別長官

學諸進士作精衛銜石填海

任昉述異記昔炎帝女溺死東海中化為精衛其名自呼每銜西山木石填東海一名冤禽俗呼帝女雀

鳥有償冤者終年抱寸誠口銜山石細心望海波平

渺渺功難見區區命已輕人皆譏造次我獨賞專精

不拘拘貼事只以空語挑意最有味

豈計休無日。惟應盡此生。何慙刺客傳。司馬遷史記不著報仇名。

壯偉有勁氣

通首一氣流轉最可

暫停二字妙於謙退處見尊崇

工麗

文人不甘無武每如此

奉一無奉字酬振武胡十二文大夫原注胡証也

舊唐書胡証字啟中河東人元和九年黨項寇邊以証有安邊才略乃授振武軍節度使

傾朝共羨寵光頻。半歲遷騰作虎臣。戎旆暫停辭社

樹。諸本作弩矢前驅煩縣令趙璘因語錄胡証建節赴振武過河中時趙宗儒為帥証持刺稱百姓入謁獻詩曰詩書入京國旌節過鄉關

門先下敬鄉人。漢萬石君傳石奮徙居陵里子慶醉歸入外門不下車奮讓之曰內史貴人入閭里里中長老皆走匿而內史

坐車中自如固當後慶。橫飛玉盞家山曉。遠蹀金珂塞草春。

自笑平生誇膽氣。不離文字鬢毛新。証本儒生故有鬢句

奉和庫部盧四兄曹長元日朝迴原注盧汀也

洪云國史譜云兩省相呼為閣老尚書丞郎相呼為曹長郎中員外御史遺補相呼為院長上可兼下下不可

兼上唯御史相呼為端公然退之呼盧庫部為曹長張功曹為院長則上下亦通稱也

天仗宵嚴建羽旄。謂立補注唐儀衛志凡朝會之仗三會番上分翊仗五日散手仗每月以四十六人立內廊閣外號曰內仗以左右金吾將軍當上中郎將一人押之側能皇帝步入東序門然後放仗詩建彼旄矣春

雲送色曉雞號。金爐香動螭頭暗。唐會要漢柏梁殿災越巫浪則降雨遂作像于屋以厭火災亦作螭字謂立補注唐書儀衛志朝日殿上設黼展踞席熏爐香案百官志起居郎舍人分侍左右夾香案分立殿下直第

玉佩聲來雉尾高。唐儀衛志人君舉動必以扇雉尾障扇四小團雉尾扇四方雉尾

戎服上趨承北極。儒冠列侍映東曹。左傳僖公二十二年不擒二毛杜預曰頭

太平時節難身一作身難遇。郎署何須歎二毛。

寒食直歸一作宿遇雨。唐本箋云元和十年公時以考功郎中知制誥

寒食時看度春遊事已違。風光連日直陰雨。半朝一作晴

寒食時看度春遊事已違。風光連日直陰雨。半朝一作晴

唐本箋云元和十年公時以考功郎中知制誥

注障扇四云云按今呼掌扇者障之訛也按唐書禮樂志元正朝賀上公一人詣西階席脫烏解劍升當降階詣席佩劍劍乃復位非戎服也豈難以後遂與開元禮制殊乎然則結句乃言當以太平未復為歎若一身之向老何足計也

半朝新

唐本箋云元和十年公時以考功郎中知制誥

紅球謂日

歸不見紅球上。劉向別錄謂黃帝所造本兵勢也或云起於戰國那論綵索飛。古今藝方山戎寒食日用鞦韆為戲以習輕捷者或曰自齊桓公北伐山戎此戲始傳中國惟將新賜火。嗣立補注唐會要清明取榆柳之火以賜近臣順陽氣亦見歲時記向曙著朝衣。唯內直者知此詩之悲然第四亦非有所望也

送李六協律歸荆南

淡而有味

前四句與暹然俱根藕遊來遠字正字甚有味頭聯草率亦不宜道及歌舞

早日羈遊所。春風送客歸。柳花還漠漠。李太白詩風吹柳花滿店香江

燕正飛飛。杜子美詩清秋燕正飛飛歌舞知誰在。賓僚逐使非。宋亭

池水綠。杜子美詩曾聞宋玉宅每欲到荆州本集寒食日出遊詩宋玉庭邊不見人詳見第三卷注莫忘蹋芳菲。

題百葉桃花。原注知制張裕江南雜題亦有紅鮮百葉桃詩時作之可

百葉雙桃晚更紅。窺窗映竹見玲瓏。應知侍史歸天上。故伴仙郎宿禁中。應劭漢官儀尚書入直臺閣中給侍史一人女侍史二人皆選端正者侍史從至止車門還女

首句晚字即呼起下連第二句淡愈豔選出晚更紅

侍史潔被服執香爐燒熏以從入臺中給使護衣服百帖諸曹郎稱為仙郎白樂天詩仙郎靜翫禁闈間王云公以考功郎中知制誥寓直禁掖故云

春雪

新年都未有芳華。二月初驚見草芽。白雪卻嫌春色晚。故穿庭樹作飛花。

戲題牡丹

酉陽雜俎牡丹前史中無說處惟謝康樂集中言竹間水際多牡丹成式檢隋朝種植法初不說牡丹則知隋朝花藥中所無也開元末裴士淹奉使回至汾州得白牡丹一窠植於長安私第至德中馬僕射領太原又得紅紫二色者移於城中元和初猶少今與戎葵角多少矣

幸自同開俱隱約。何須相倚鬪輕盈。陵晨併作新粧面。對客偏含不語情。雙燕無機還拂掠。遊蜂多思正經營。長年是事皆拋盡。今日欄邊暫眼明。

甲唐佳調
結句非牡丹不稱飛卿希逸近來成懶病不能容易向春風巧于偷意者也

常套語然調卻流快

羅隱詩似由此描出此不語燕用桃李大勝羅

盆池五首

洪云劉貢父云退之古詩高卓至律詩雖可稱善要有不工者老翁真箇似童兒此真諧語為戲耳或云盆池詩有天工如拍岸纔添水數餅一夜青蛙鳴到曉非意到不能作也

俚語俚調直寫胸臆頗似少陵漫興尋花諸絕

南園莽莽亦有風致然濃腴尚不及杜

此調法卻新此詩體物入微

老翁真箇似童兒，汲水埋盆作小池。
一夜青蛙鳴到曉，恰如方口釣魚時。
方口地名見卷五和盧雲夫送盤谷子詩注
莫道盆池作不成，藕梢初種已齊生。
從今有雨一雨君，須記來聽蕭蕭打葉聲。
瓦沼晨朝水自清，小蟲無數不知名。
忽然分散無蹤影，惟一作為有魚兒作隊行。
莊子美詩細雨魚兒出
泥盆淺小詎成池，夜半青蛙聖一作聽得知。
一聽暗來將伴侶，不煩鳴喚鬪雄雌。

池光天影共青青，拍岸纔添水數餅。
且待夜深明月去，試看涵泳幾多星。
一作乘

芍藥

詩鄭風溱洧贈之以芍藥毛氏云芍藥香草

浩態狂香昔未逢，紅燈燦燦綠盤龍。
覺來獨對情一作忽驚恐，身在仙宮第幾重。

奉一無和虢州劉給事使君三堂新題一無新

十一詠并序

方云劉伯芻以元和八年出刺虢州白樂天有制詞副立補注舊唐書劉伯芻字素芝洛州廣平人登進士第累遷考功郎中集賢院學士轉給事中出為虢州刺史呂溫虢州三堂記開元初天子思二南之風並選宗英共持理柄虢大而近匪親不居時惟五王出人相授承平易理逸政多暇考卜惟勝作為三堂三者明臣子在

三之節堂者勳
宗室克構之義

魏州刺史宅連水池竹林往往為亭臺島渚目其處
為三堂劉兄自給事中山刺此州在任逾歲職修人
治州中稱無事頗復增飾從子弟而遊其間又作二
十一詩以詠其事流行京師文士爭和之余與劉善
故亦同作

新亭

湖上新亭好公來日出初一作水文一作浮枕簟瓦影陰龜
魚後一句是水中偶見景根日出亦工

流水

汨汨幾時休從春復到秋一作言池未滿池滿強交

首首出新意與王裴
輞川諸絕頗相似音
調卻不及彼之高雅

流

竹洞

竹洞何年有公初斫竹開洞門無鎖鑰俗客不曾來

月臺

南館城陰闕東湖水氣多直須臺上看始奈月明何

渚亭

自有人知處那無步往蹤莫教安四壁面面看芙蓉

竹溪

藹藹溪流慢一作稍稍岸篠一作長穿沙碧簾古早切淨落水

紫苞香云少陵竹詩有兩洗娟娟淨風吹細細香前輩嘗云竹未
嘗有香而少陵以香言之豈知公亦有落水紫苞香之語乎

北湖

小有致

有天然趣

工苟

聞說遊湖棹尋當到此迴應畱醒心處準擬醉時來

花鳥

蜂蝶去紛紛香風隔岸聞欲知花鳥處水上覓紅雲

柳溪

柳樹誰人種行行夾岸高莫將條繫纜著處有蟬號

西山

下二句約的是號州詩

新月迎宵挂晴雲到晚畱為遮西望眼終是懶迴頭

竹逕

無塵從不埽有鳥莫令彈若要添風月應除數百竿

荷池

風雨秋池上高荷蓋水繁未諳鳴撼撼那似卷翻翻

稻畦

是園亭中稻畦

罽布畦堪數稻譚新論守邊隅趨作罽以自生於小地選章宏嗣薄奕論所務不過方罽之間采云罽碁局上方目也枝

分水莫尋魚肥知已秀鶴沒覺初深

柳巷

柳巷還飛絮春餘幾許時吏人休報事公作送春詩

花源

一作原

源上花初發公應日日來丁寧紅與紫慎莫一作勿一時

開

北樓

郡樓乘曉上盡日不能迴晚色將秋至長風送月來

鏡潭

對調似古樂府

非鑄復非鎔，法澄忽此逢。魚鰕不用避，只是照蛟龍。

孤嶼

朝遊孤嶼，南暮戲孤嶼。北所以孤嶼，鳥與公盡相識。

方橋

非閣復非船，可居兼可過。君欲問方橋，方橋如此作。

音佐廣韻作造也將祚切荀子肉腐出蟲魚枯生蠹貪利忘身禍哉乃作後漢廉范傳廉叔度來何暮不禁火民安作

梯橋

高者似指道華峯

乍似上青冥，初疑躡菡萏。自無飛仙骨，欲度何由敢。

月池

寒池月下明，新月池邊曲。若不如清妍，卻成相映燭。

遊城南十六首

方云十六詩非一日作編者類次之

賽神

白布長衫紫領巾，差科未動是閒人。麥苗含穠桑生

椹，食荏反詩食我桑黹懷我好音黹與椹同共向田頭樂社神。

題于賓客莊

舊唐書于頔字允元河南人憲宗即位冊拜司空平章事元和八年十月改授太子賓客

榆莢車

尺遮反

前蓋地皮

爾雅釋木榆白粉郭璞曰粉榆先生葉卻著莢皮色白釋草莢馬鳥車前郭璞曰今車前草

大葉長穗好生道邊江東呼為蝦蟆衣薔薇蘸水筍穿籬，馬蹄無入朱門跡。縱

使春歸，可得知。

晚春

草樹

一作木

知春不久歸，百般紅紫鬪芳菲。楊花榆莢無

此意作何解然情景卻是如此

才思惟解漫天作雪飛

落花

已分將身著地飛。那羞踐蹋損光暉。無端又被春風誤。吹落西家不得歸。

楸樹二首

幾歲生成為大樹。一朝纏繞困長藤。誰人與脫青羅帔。看吐高花萬萬層。

幸自枝條能樹立。可煩蘿蔓作交加。傷人不解尋根本。卻道新花勝舊花。

風折花枝

浮豔侵天難就看。青香撲地只遙聞。春風也是多

婉曲有致純是比意

用意亦佳但遣句稍費力

比前首稍醒快

出意新上二句喚下意亦佳

情思故揀一作折繁枝折一作將贈君

贈同遊

喚起窗全曙。催歸日未西。無心花裏鳥。更與盡情啼。

暗藏二鳥名在內。只若泛說喚催者。然下句乃透出鳥字。相應甚有興味。此體前後罕有。果是精深。

洪云魯直云吾兒時每哦此詩而了不解其意。自出峽來。吾年五十八矣。時春曉。偶憶此詩。方悟之。喚起催歸二禽名也。古人於小詩用意精深如此。催歸子。規也。喚起聲如人絡絲。圓轉清亮。偏於春曉。鳴江南。謂之春喚。復齋謾錄。子嘗讀唐顧渚山茶記。曰顧渚山中有鳥如鸚鵡而色蒼。每至正二月。作聲曰春起也。三四月。云春去也。採茶人呼為喚春鳥。然則喚起之名。唐人說矣。豫章不舉為證。何邪。

贈張十八助教

喜君眸子重清朗。攜手城南歷舊遊。忽見孟生題竹處。相看淚落不能收。

題韋氏莊

嗣立補注。雜錄。呂圖章曲在明德門外。韋后家在此。蓋皇子岐之西。所謂城南韋杜。鄭樵通志。韋曲在樊川。唐

真情直吐前二句何等樂後二句何等痛

韋安石之別業

昔者誰能比。今來事不同。寂寥青草曲。散漫白榆風。
架倒藤全落。籬崩竹半空。寧須一作知惆悵立。翻覆本無窮。

晚雨

廉纖晚雨不能晴。池岸草間蚯蚓鳴。投竿跨馬蹋歸路。纔到城門打鼓聲。

出城

暫出城門蹋青草。遠於林下見春山。應須韋杜家家到。
爾立補注。杜子美集自注。但語云城南韋村去天尺五。 祇有今朝一日閒。

把酒

首句當如蜀本第二句亦不諧也

有脫滌越後兩句亦是逆調一日閒是詩

後兩句正是閒

擾擾馳名者。誰能一日閒。我來無伴侶。把酒對南山。
他人未嘗不開公意中自無對爾

嘲少年

直把春償酒。都將命乞音花花。
見卷五調氣。張籍詩注。 祇知閒信馬。不覺誤隨車。
曲盡少年情大有腴味。

楸樹

青幢紫蓋立童童。
蜀志先主傳舍東南角籬上有桑樹童童如小車蓋。爾立按劉石齡云。杜子美病柏詩童童狀車蓋。 細雨浮煙作綵籠。不得畫師來貌。
音邈一作邈。 取定知難見。

一生中

杜子美詩貌得山僧及童子。又書工如山貌不同。

遣興

斷送一生惟有酒。尋思百計不如閒。莫憂世事兼身

事須著人閒比夢閒。

昌黎先生詩集注卷第九

昌黎先生詩集注卷第十

律詩八十首

送李尚書赴襄陽八韻

原注得長字李遜也

舊唐書憲宗紀元和十年十月始析山南東道為兩節度使以戶部侍郎李遜為襄州刺史充襄復郢均房節度使以右羽林將軍高霞寓為唐州刺史充唐隨鄧節度使李遜本傳遜字友道登進士第累遷戶部侍郎元和十年拜襄州刺史充山南東道節度觀察等使云按遜本傳遷戶部侍郎為山南東道節度使又按襄州石本題名銜云檢校工部尚書李遜時遜蓋自尚書而出史略之

帝憂南國切改命付忠良

云按舊唐書先是山南東道節度使嚴綬討吳元濟無功罷為太子少保乃

以遜為節度故云

壤畫星搖動

嗣立補注杜子美詩三峽星河影動搖

旗分獸簸揚五營

兵轉肅

後漢張奐傳率五營士圍竇武

千里地還方控帶荆門遠

嗣立補注盛宏之荆

州記郡西沂江六十里南岸有山曰荆門水經注荆山在南上合下開狀似門

飄浮漢水長

嗣立補注左傳僖公四年楚國漢水

其是豈常應酬詩

後半直改命付忠良
一破無留應

以為池社預曰漢水出
武都至江夏南入江
賜書寬屬郡一作戰馬隔鄰疆縱獵雷
霆迅觀碁玉石忙風流峴首客晉羊祜傳祜樂山水每風景必
造峴山置酒言詠顧謂鄒湛曰
花豔大隄倡古今樂錄襄陽
樂者宋隨王誕
富貴由身致誰
教不自強

和席八十二韻

原注白詩去夏微之滯今春席八殂應是
席夔此人

起二韻括大意次四
韻敘景又四韻贊席
末二韻道和意格最
平穩

絳闕銀河曙嗣立補注洛陽故宮銘洛陽宮有東掖門
碑詩秋河曙耿耿東風右掖春應劭漢官儀中書
為右曹又稱西掖
官隨名共美花與思俱
新綺隋朝遊閒綾衾夜直頻漢官典職儀尚書郎
入直供青綾白綾被橫門開
日月高閣切星辰庭變寒前草天銷霽後塵溝聲通

紅藥句指席白蘋句
自謂是承上起下

班固實戲著作者前
烈之餘事也

苑急柳色壓城勻綸綉謀猷盛禮記王言如
綸其出如綉丹青步武
親芳菲含斧藻揚子吾木見斧藻其德若
斧藻其資者斧與藻同光景暢形神傷砌
看紅藥選謝玄暉直中書省詩紅
藥當階翻蒼苔依砌上巡池詠白蘋嗣立補注江自樂天
白蘋洲五亭記湖
州城東南二百步抵雲溪連汀州一名白蘋梁吳
興守柳惲于此賦詩云汀洲採白蘋因為名也
多情懷一作酒伴餘
事作詩人倚玉一作難藏拙嗣立補注世說魏明帝使后弟毛曾
與夏侯玄共坐時人謂兼葭倚玉樹
吹竽久混真韓非子齊宣王好竽吹竽者三百人皆食祿南郭先生不
知竽濫食祿于三百人中宣王薨後王欲一一吹之南郭
遁乃坐慙空自老江海未還身

和武相公早春聞鶯

詳見卷七和武
相公孔雀詩注

早晚飛來入錦城嗣立補注益州記錦城在益州南笮橋東流
江南岸昔蜀時故錦官也今號錦城墉尚在誰
人教解百般鳴春風紅樹驚眠處似妬歌童作豔聲

太安池闕太安池是郭曖家羊士諤有詩注誤

遊太平公主山莊

嗣立補注唐書太平公主則天皇后所生初尚薛紹更嫁武攸暨先天二年主與常元楷李慈淨屠慧範等謀廢太子事敗主亡入南山三日乃出賜死于第主作觀池樂游原以為盛集既敗賜寧申岐薛四王都人歲被殺其地

公主當年欲占春，故將臺榭押一作城闈。欲知前面花多少，一作直到南山不屬人。未句透占字

晚春

誰收春色將歸去，慢一作綠妖紅半不存。榆莢祇能隨柳絮，等閒撩亂走空園。

大行皇太后挽歌詞三首

典雅有風致

按經據禮舉其大者為頌最得體

一紀尊名正，云后以永貞元年尊為皇三時孝養榮。移亮切

禮記文王之為世子朝於王季曰三高居朝聖主，厚德載羣生。武帳虛一作中

禁，漢霍光傳太后被珠襦盛服坐武帳中玄堂掩太平。選謝玄暉齊敬皇后哀冊文翠帟舒早玄堂啟扉秋天

笳鼓歇松柏徧山鳴。

威儀備吉凶，文物雜軍容。配地行新祭，嗣立補注後漢光武紀中元元年告因山託故封。嗣立

祠高廟曰薄太后母德慈仁孝文皇帝賢明臨國子孫賴福延祚至今其上薄太后尊號曰高皇后配食地祇鳳飛終不返

漢文帝紀後七年夏六月己亥帝崩遺詔曰霸陵山川因其故無有所改文帝寶皇后傳元光六年崩合葬霸陵劍化會相從。嗣立補注晉張華傳雷煥得鄴城雙劍送一與華留一自佩曰靈異之物終當化去華得劍寶愛之曰天生神

摘字工

圓和有態正是詩人風韻

窮年擾擾竟未立功
立事稍偷閒暇又費
之一談一詠能不惜
葉落長年之悲乎此
詩即公所謂聰明日
減于前時道德有負
于初心者結句妙借
廣宣點出更不說盡

○直既為僧亦有本
分當行之事奈何持
末藝與嗣士徵逐不
權春秋迅速邪言外
亦以警覺之也
風致最勝
突然起奇青青定是
草不點出更妙柳度
竹菱穿萍新

中四句俱是再到意
語亦工

物終當合耳華誅失劍所在煥卒子華持劍行經延平津劍忽于腰閒躍出墮
水使人沒水求之但見兩龍各長數丈蟠縈有文章沒者懼而反于是失劍
無復臨長樂空聞報曉一作曉暮鐘漢叔孫通傳惠帝為東朝長樂宮
吳兆宜云三輔黃圖鐘室在長樂中

追攀萬國來警衛百神陪畫翬所甲登秋殿禮記喪大記畫翬二鄭氏云漢

禮翬以木為筐廣三尺高二尺四寸方兩角高衣以白布容衣入夜臺喪大記飾棺君龍帷三池振容

而垂之以雲隨仙馭遠風助聖情哀只有朝陵日鄭氏云青質五色畫之於絞縮

為振容一暫開後漢陰皇后紀明帝謁原陵從席前伏御牀視太后鏡奩中物感動悲涕注蓋鏡匣也

廣宣上人頻見過

云廣宣蜀僧元和中住長安安國寺寺有紅樓宣有詩名號紅樓集

三百一作十六旬長擾擾書卷三百不衝風雨即塵埃久慙
朝士無裨補空愧高僧數往來學道窮年何所得

吟詩竟日未能迴天寒古寺遊人少紅葉窗前有幾堆

閒遊二首

雨後來更好繞池徧青青柳花閒度竹菱葉故一作亂穿

萍方云少陵詩潛龍故起雲萍上燕子故來頻皆用此字獨坐殊未厭孤斟詎能醒持

竿至日暮幽詠欲誰聽

茲遊苦不數再到一作至遂經一作兼甸萍蓋汗池淨藤籠老

樹新林鳥一作鳴訝客岸竹長遮鄰子雲祇自守漢揚雄傳安帝

時了傳董賢用事時雄方草太玄有以自守泊如也奚事九衢塵

酬馬侍郎寄酒原注馬總

嗣立補注舊唐書馬總字會元扶風人元和八年自桂州刺史桂管經略觀察使入為刑部侍郎裴度宣慰淮

膺德堂重刊顧氏本

西秦為制置副使吳元濟誅度雷總蔡州知彰義軍
雷後尋檢校工部尚書蔡州刺史充淮西節度使

一壺情所寄，四句意能多。秋到無詩酒，其如月色何。

和侯協律詠笋

原注

諷刺苦于太露亦不自然

此是謙時初門下人
細味自見描寫情狀
傲有深致但稍費力
不若詠雪之馳騁自
如

竹亭人不到，新笋滿前軒。乍出真堪賞，初多未覺煩。
成行音齊婢僕，環立比兒孫。驗長常攜尺，愁乾屢側
盆。對吟忘膳飲，偶坐變朝昏。滯雨膏腴溼，驕陽氣候
溫。得時力張王，方云莊子所謂王長其間是也並去聲挾勢欲騰
騫。見角牛羊沒，看皮虎豹存。攢生猶有隙，散布忽無
垠。詎可持籌算，誰能以理言。縱橫公占地，羅列暗連
根。狂劇時穿壁，羣強幾觸藩。補注易深潛如避逐，作
世遠去若追奔。始訝妨人路，還驚入藥園。萌芽防浸

大覆載莫偏恩，已復侵危砌。非徒出短垣，身寧虞瓦

礫。計擬揜蘭蓀。

補注文選沈休文詩今守覆
蘭蓀王逸楚辭注蓀香草名也

且歎高無數，

庸知上幾番。短長終不校，先後竟誰論。外恨苞藏密，

中仍節目繁。

補注按吳北宜云禮記
先其易者後其節日

暫須迴步履，要取助盤

飧。穰穰

上聲

疑翻地，森森競塞門。戈矛頭戢戢，蛇虺首

掀掀。婦孺咨料

音聊一作
作聊

揀

張湛列子序且將
料簡世所希有者兒癡謁盡髮，侯

生來慰我

一作

詩句讀驚魂。屬和才將竭，呻吟至日

一作

噉。方云楚辭九歎日噉噉其
西舍亦可以日入言也

過鴻溝

漢高帝紀割鴻溝以西為漢以東為楚應劭曰在滎
陽東南二十里云此下皆隨裴晉公伐蔡詩

龍疲虎困割川原，億萬蒼生性命存。誰勸君王回馬

亦是大論然未入雅

首真成一擲賭乾坤李太白詩天地賭一擲未能忘戰爭

送張侍郎

方云張賈時自
兵侍為華州

司徒東鎮馳書謁丞相西來走馬迎舊唐書元和十年正月
宣武節度使韓宏守為

元臣今轉密一方逋寇不難平嗣立按吳兆宜云南史范泰傳
百年逋寇前賢挫屈者多矣

贈刑部馬侍郎原注馬總時
副晉公東征

紅旗照海壓南荒微入中臺作侍郎嗣立按馬總本傳自桂
州刺史挂管經略觀察

暫從相公平小寇便歸天闕致時康使入為刑部
侍郎故云

奉一無
奉字和裴相公東征途經女几山下作

云女几山在河南府福昌縣三十四里白樂天云晉
公出討淮西過女几山下題詩云待平賊壘報天子莫

此下諸絕皆在裴公
幕府一時感事而作
雖未盡工然能道得
出想見彼時光景宛
然賊破在旦夕意讀
之使人意快亦自磊
落有概

句法新亦鍛得工
壯麗精工

旗穿曉日雲霞雜山倚秋空劍戟明雲霞以我之旗况彼雲
霞以彼之山况我劍戟

敢請相公平賊後暫攜諸吏上崢嶸詩家謂迴
響舞鳳格

鄖城晚飲奉一無
奉字贈副使馬侍郎及馮李二員

原注馮宿時以都官李
宗閔時以禮部並從征

嗣立補注舊唐書裴度傳度奉詔為淮西宣慰招討處
置使仍奏刑部侍郎馬總為宣慰副使都官員外郎馮
宿禮部員外郎李宗閔等
為兩使判官書記皆從之

城上赤雲呈勝氣唐書天武陵傳元濟未破數月武陵自破石望東
南氣如旗鼓矛楯皆顛倒橫斜少選黃白氣出西

眉閒黃色見歸期嗣立補注
玉管照神

幕中無事惟須飲即是連鑣補鑣
切向闕時說
文

北盤蛇相交告韓愈曰今西北王師所
在氣黃白喜象也敗氣為賊賊必亡矣

畫黃色喜微相
畫喜色紅黃
鑣馬
銜也

酬一無別留後侍郎原注蔡平命

馬總為留後
入朝留副使馬總為彰義軍留後

為文無出相如右嗣立補注漢田叔傳上召與語漢廷臣無能

難居卻音先左傳僖公二十七年晉文公作歸去雪銷漆

洧動嗣立補注毛萇毛詩傳溱洧鄭兩水名西來旌旆拂晴天

同李二十八夜次襄城原注李

正封也
嗣立補注全唐詩話李正封字中護終監

周楚仍連接川原乍屈盤雲垂天不暖塵漲雪猶乾

印綬歸台室旌旗別將壇欲知迎候盛騎火萬星攢

四面星辰著地明散燒煙火宿天兵不關破賊須歸

奏自趁新年賀太平

過襄城

郟城辭罷過襄城潁水嵩山刮眼明已去蔡州三百

里家人不用遠來迎
宿神龜一石招李二十八馮十七

九域志汝州有神龜驛臺開皇

荒山野水照斜暉啄雪寒鴉趁始飛夜宿驛亭愁不

次硤石

嗣立補注唐地理志

數日方離雪今朝又出山試憑高處望隱約見潼關

用俚意道來好甚得

白頭宮女在閒坐說
元宗昔人已謂妙矣
此乃因今帝致問尤
有婉致

和李一有二十
八三字司勳過一無
過字連昌宮

唐地理志壽安縣西二十九里有連昌宮顯慶三年置
樊云連昌宮按志高宗顯慶三年置然詩落句云云疑
為明皇所作而元微之述
昌宮辭大概亦詠明皇帝

夾道疎槐出老根高蔭巨桷壓山原宮前遺老來相
問嗣立補注李太白詩云
帝餘古邱樵蘇泣遺老今是開元幾葉孫

次潼關先寄張十二閣老使君原注
張賈

嗣立補注通典潼關本名衝關言河流所衝也雍錄潼
關在華州華陰縣東北三十九里關西一里有潼水因
以為

荆山已去華山來漢郊祀志黃帝鑄鼎荆山下晉灼曰地理志荆
山在漢馮翊懷德縣華山見卷三古意詩注日

出一作
照潼關四扇一作
面開刺史莫辭迎候遠相公親一作
新破

蔡州迴

次潼關一有
聖字上都統相公

嗣立補注舊唐書韓宏穎川人憲宗即位
授司徒同平章事淮西諸軍行營都統

暫辭堂印執兵權盡管諸軍破賊年冠蓋相望催入
相待將功德格皇天

桃林夜賀晉公

云按舊唐書憲宗紀元和十二年十二月壬戌以裴
度守本官賜上柱國晉國公丙子以右庶子韓愈為刑
部侍郎考其年十二月丙辰朔壬戌則其月七日度以
其月十六日方至自蔡則前除命蓋在公未入朝之前
故云桃林夜賀晉公嗣立補注書放牛于桃林之野孔
氏云桃林在華山東村預左傳注桃林之塞今宏農華
陰縣潼
關是也

西來騎火照山紅夜宿桃林臘月中手把命珪兼相
印一時重疊賞元功

題注都統謂韓宏也
按暫辭堂印句則都
統印謂晉公李商隱
詩亦云腰懸相印作
都統

格別太白集中有之

甚流快可喜

後四句只直敘幕中賓客即至公三字便已帶轉晉公相業上下俱有關鎖筆力最高

莊雅有體領聯敘官精妥

送李員外院長分司東都

去年秋露下。羈旅遠東征。今歲春光動。驅馳別上京。飲中相顧色。送後獨歸情。兩地無千里。因風數寄聲。

晉公破賊回重拜台司以詩示幕中賓客愈

奉和一作晉公自蔡州入覲途中重拜云云愈因和之

嗣立補注舊唐書裴度傳度八月二十七日至鄆城巡撫諸軍宜達上旨士皆買勇出戰皆捷十月十一日唐鄧節度使李愬襲破懸瓠城擒吳元濟十一月二十八日度自蔡州入朝十二月詔加度金紫光祿大夫宏文館大學士賜勳上柱國封晉國公食邑三千戶

南伐旋師太華東。天書夜到冊元功。將軍舊歷三司貴。相國新兼五等崇。鸚鵡欲歸仙仗裏。熊羆還入禁營中。長慙典午非材職。一作識蜀志譙周傳典午忽兮月西沒兮典午者謂司馬也云白樂天自江州司

馬還朝再出亦曰昔徵從典午得就閒官即至公

獨釣四首

侯家林館勝。偶入得垂竿。曲樹行藤角。平池散芡盤。羽沈知食駛。一作快或作駛緝細覺牽難。聊取夸兒女。榆條繫從鞍。

一徑向池斜。池塘野草花。雨多添柳耳。水長減蒲芽。坐厭親刑柄。王云時公為刑部侍郎韋應物詩坐厭淮南守偷來傍釣車。太平公事少。吏隱詎相賒。嗣立補注杜子美詩青信吾兼吏隱名

獨往南塘上。秋晨景氣醒。露排四岸草。風約半池萍。鳥下見人寂。魚來聞餌馨。所嗟無可召。不得倒吾瓶。秋半百物變。溪魚去不來。風能一作坼芡背。露亦一作染

四首多新致

工巧

羽沈緝細穩切

魚鳥一聯極似老杜

景句俱工

黎。顛。遠。岫。重。疊。出。寒。花。散。亂。開。所。期。終。莫。至。日。暮。與。誰。迴。

枯樹

老。樹。無。枝。葉。風。霜。不。復。侵。腹。穿。人。可。過。皮。剝。蟻。還。尋。寄。託。惟。朝。菌。爾立補注莊子逍遙遊篇朝菌不知晦朔依。投。絕。暮。禽。猶。堪。持。改。火。未。肯。但。空。心。工切而不板俗改火意尤新

元日酬蔡州馬十二尚書去年蔡州元旦見

寄之什

元。日。新。詩。已。去。年。蔡。州。遙。寄。荷。相。憐。今。朝。縱。有。誰。人。領。自。是。三。峰。不。敢。眠。

詠燈花同侯十一一作同侯十一詠燈花原注侯十一喜也

還作三冬為近

運意沉細得詠物趣

今。夕。知。何。夕。花。然。錦。帳。中。自。能。當。雪。暖。那。肯。待。春。紅。黃。裏。排。金。粟。方云何遜詩金粟裏搔頭蜀人史彥升曰黃裏排金謂額間花鈿也釵。頭。綴。玉。蟲。更。煩。將。喜。事。來。報。主。人。公。一作翁嗣立補注西京雜記燈火花得錢財更記范睢傳主人翁習知之

雪浪齋日記云此詩極似少陵

祖席

前字

一二題前字秋字上皆有得字原注以王涯徙袁州刺史而作方云按舊紀涯刺袁州元和三年四月也公時在東都故曰祖席洛橋邊嗣立補注新唐書王涯傳涯甥皇甫湜以賢良方正對策異等忤宰相涯坐不避嫌罷學士再貶虢州司馬徙為袁州刺史漢疏廣傳設祖道供帳東都門外景十三王傳祖於江陵北門師古曰祖者送行之祭因饗飲也昔黃帝之子纍祖好遠遊而死於道故後人以為行神也

祖。席。洛。橋。邊。親。交。共。黯。然。野。晴。山。簇。簇。霜。曉。菊。鮮。鮮。書。寄。相。思。處。盃。銜。欲。別。前。淮。陽。知。不。薄。嗣立補注漢汲黯傳召拜為淮陽太

唐人別詩甚多此詩敘景述情猶覺稍出新意其架構之妙亦只在幾希間

守踏伏謝不受上曰君薄淮陽
邪選謝玄暉詩淮陽股肱守 終願早迴船

秋字

清空一氣如話絕有

少陵風格

淮南悲木落補注淮南而一作我亦傷秋況與故人別

那堪羈宦愁榮華今異路風雨苦同憂莫以宜春遠

江山多勝遊公自題云兩詩何處好

送鄭尚書赴南海

嗣立補注唐書鄭權汴州開封人擢進士第穆宗立累遷工部尚書結權幸求鎮守于是檢校尚書右僕射嶺南節度使按公集有送鄭尚書序唐地理志廣州南海郡

得靈

風力亦何減少使

番禹軍府盛嗣立補注唐書南海縣即漢番禺縣也地以番山禺山名欲說暫停盃

蓋海旂幟出連天觀閣開衙時龍戶集嗣立補注後漢孟嘗安有龍戶見水色

則知有龍或引出但鯨魚而已云上日馬人來唐南蠻傳環王有五銅柱馬援所植援還雷不龍戶採珠戶也南海亦謂之蠶戶

爰居去年殺和熟得
天時也蚌蛤迴商貨
流通得地利也
身珠為蚌蛤又覺味
長

去者才十戶隋末華衍至三百風靜鷄去國語海鳥曰鷄鷄皆姓馬俗以其寓故號馬雷人

禽曰海其有災乎夫廣川之鳥獸常官廉蚌蛤迴貨通師子國嗣立補注後漢孟嘗徙于交趾郡界嘗到官未踰歲去珠復還

出珠與交趾常通商販先時宰守多貪珠漸樂奏武王臺漢南粵王傳趙居西南海中多奇寶以寶置洲上商船

償直輒取去能馴養師子因以名國越

事事皆殊異無嫌屈大才

答道士寄樹雞原注樹雞木耳之大者

云東坡和陶詩黃荜養土羔老楮生樹雞即此

軟濕青黃狀可猜欲烹還喚木盤迴煩君自入華陽

洞直割飛龍左耳來柳子厚龍城錄茅山道士吳綽採藥於華陽洞中化為龍以三珠填左耳中綽以藥斧斫之落左耳而三珠已失所在焉贊雲仙錄天罰飛龍必割其耳

左遷至藍關示姪孫湘

豪氣駭人
注引龍城志云云按
公詩當據古詩不可
引龍城錄

雪雲一聯世傳以為
湘示先兆似出附會
何者秦嶺藍關畿內
近地不為險遠在退
之謫山途中遇雪以
自道則可耳使湘示
奇何不云海氣昏昏
水拍天乎

安溪云妙在許大題
目而以除弊事三字
了卻

一封朝奏九重天夕貶潮州路八千關立補注舊唐書憲宗紀元和十四年春正月丁亥迎鳳翔法門寺佛骨至京師留禁中三日乃送諸寺刑部侍郎韓愈上疏極陳其弊癸巳貶愈為潮州刺史
除弊事肯將一作豈將衰朽一作惜殘年雲橫秦嶺家何

顏師古漢書注漢時依上古法朝列以右為尊故謂降秩為左遷唐地理志藍田縣有藍田關故曉關有庫谷谷有關云青瑣高議湘字清夫公姪也落魄不羈公勉之學乃笑作詩有能開頃刻花之句公曰汝能奪造化開花乎湘遂聚土覆盆良久曰花已發矣舉盆乃碧花二朶葉間有小金字乃詩一聯云雲橫秦嶺家何在雪擁藍關馬不前公未曉詩意湘曰事久可驗公後貶潮陽途有一人冒雪而來乃湘也湘曰公憶花上句乎乃今日事也公詢地名即藍關再三嗟歎曰吾為汝成此詩云云西陽雜俎亦載是事獨不載湘名然公逸詩有徐州贈族姪云自言有奇術探妙知天工意亦若指是事豈湘果有出世之學邪嗣立按公姪老成子二人長曰湘湧其季也語見韓湧墓志銘仙傳拾遺所載與此小異但言公外甥忘其名大約皆後世不經之語青瑣高議似未可盡信也

沉鬱頓挫

借苦說苦

比示湘作運思入細
態較濃然不若彼之
渾然

在雪擁一作藍關馬不前知汝遠來應有意好收吾骨
瘴江邊左傳僖公三十二年余收爾骨焉 武關西逢配流吐蕃唐地理志商州商洛縣東有五關關立補注唐吐蕃傳吐蕃本西羌屬百有五十種散處河湟江岷間

武關西逢配流吐蕃

嗟爾戎一作人莫慘然湖南地近一作保生全我今罪重近地

次鄧州界

唐地理志鄧州南陽郡屬山南道

潮陽南去倍長沙戀闕那堪又憶家心訝秋來惟一作貯火眼知別後自添花商顏暮雪逢人少漢溝洫志自徵引洛水至商顏鄧鄙春泥見驛賒早晚王師收海

下師古曰商顏商山之顏也謂之顏者譬人之顏額也

昌黎詩集卷之二

七

唐德宗重刊顧氏本

嶽普將雷雨發萌芽

題臨灌寺

不覺離家已五千

二云漢高帝紀提三尺取天下及韓安國傳本無

其為里也或以

仍將衰病入瀧船

見卷六瀧潮陽未到吾能

歇後謂之則非

說海氣昏昏水拍天

史詩注

一作人先

晚次宣溪辱

一無韶州張端公

一無端使君惠書

敘別酬以絕句

一無絕二章

韶州南去接宣溪

唐地理志韶州始興郡屬嶺南雲水蒼茫日向西

客淚數行元

自落鷓鴣休傍耳邊啼

道國史補御史相呼為端公

兼金那

一作安足比清文百首相隨愧使君

一作白但見嶺南

如何此時恨嗷嗷夜
猿鳴鄰心正欲絕何
處擣寒衣皆是此意
此但添元自休傍四
字境遂別然終覺稍
著意

妙處全在吾能說三
字上

微近俚

巡管內莫欺荒僻斷知聞

筆墨閒錄潮州以後詩最哀
深宜溪絕句等語絕有味

題秀禪師房

橋夾水松

行百步竹牀

莞席到僧家暫拳一手

支頭

臥還把漁竿下釣沙

將至韶州先寄張端公

一無端使君借圖經

曲江山水聞來久

嗣立補注唐地理志韶州有曲江縣武
德四年置臨瀧良化二縣貞觀八年省恐不知

名訪倍難願借圖經將入界每逢佳處便開看

過始興江口感懷

憶作兒童隨伯氏

嗣立補注公新書本傳愈生三
歲而孤隨伯氏曾貶官嶺表南來今只一

道得真切鍊得簡妙

人皆有此意如此寫
來自妙

四句四事清迥絕俗

格平調穩寫情點景
皆合拍讀之有味

南史劉之遴嘗酬總
詩深相欽挹臺城陷
避難會稽總勇肅勃
據廣州自會稽往依
烏流寓嶺南積歲陳
天嘉四年以中書侍
郎徵還此句乃斷章
用嶺外事與第七奏
課徵拜呼應虛仲期
徒交州不返自危幾
類此也

身存目前百口還相逐舊事無人可共論

韶州留別張端公使君

起句再字與末句淹留反對

來往再逢梅柳新

孫云公元和十四年正月以論佛骨貶潮州三月至潮州十月量移袁州十五年正月至袁州其往來上下於韶皆

別離一醉綺羅春

久欽江總文才妙

自歎虞翻骨相屯

吳志虞翻傳字仲翔

鳴笛急吹爭落日

清歌緩送款行人

清歌緩送款行人已知奏課當徵拜那復淹留詠白

蘋

柳惲詩汀洲採白蘋詳款行人款字諸本作感按作感便與緩字無情見上和席八韻詩注

量移袁州張韶州端公

一無端公字

以詩相賀因

一無因字

唐地理志袁州宜春郡屬江南道

安溪云末句取諸離騷所謂跪敷衽以陳辭者有蒙難正志氣象

罪未除最是痛心北

雁南魚對工意切但

行爲善

明時遠逐事何如遇赦移官罪未除北望詎令隨塞

雁

管子雁春北秋南

將經貴郡

煩畱客先惠高文謝起子暫欲繫船韶石下上賓虞

舜整冠裾

水經注始興縣有韶石兩石對峙似雙闕袁州郡志韶石舜嘗登此奏樂今有廟在焉

次石頭驛寄江西王十中丞閣老

原注仲舒

水經注潁水之西岸有盤石謂之石頭津步之處也嗣立補注舊唐書王仲舒傳字宏中太原人穆宗即位召爲中書舍人出爲洪州刺史御史中丞江南西道觀察使

憑高試迴首一望豫章城

嗣立補注唐地理志洪州豫章郡水經注漢高祖六年命灌嬰以爲豫章郡治

人由

猶戀德泣馬亦別羣鳴寒日

夕始照風江遠漸平默然都不語應識此時情

遊西林寺題

一作蕭二兄郎中舊堂

昌黎寺集卷十一

十四

唐德堂重刊顧氏本

五六工風江字佳若
江風則常語耳且漸
平正指江言

蕭存類士之子為金部員外終檢校倉部郎中生子子皆無祿早世文公少時嘗受金部知賞及自袁州入為國子祭酒途經江州因遊廬山過金部山居訪知諸子淵謝惟二女在因賦詩云云雷百練以拯之

家 女出

中郎有女能傳業

方云蕭二存也存少與韓會梁肅友善惡裴延齡之為人棄官歸廬山廬山今猶有蕭存魏宏李渤同遊大林題名嗣立補注唐書蕭存字伯誠建中初遷殿中侍御史四遷比部郎中疾裴延齡之姦去官風痺卒韓愈少為存所知自袁州還過存廬山故居而諸子前死唯一女在為經贍其家

道無兒可保家

後漢董祀妻傳蔡邕女名琰字文姬與平中天下喪亂為胡騎所獲曹操痛惜無嗣以金贖贖之重許卷流離塗炭罔有存者今所謂憶我四十餘篇于是繕書送之文無遺誤伯

幾行衰淚落煙霞

因話錄作今日匡山過舊隱空將衰淚對煙霞

自袁州一有除還京行次安陸先寄隨州周員

亦

行行指漢東

唐地理志安州安陸郡中都督府屬淮南道隨州漢東郡屬山南道云周員外周君巢也時為隨州刺史

蒹葭出夢中

左傳桓公六年漢東之國隨為大

暫喜笑言同

雨雪離江上

酣歌未可終

東之國隨為大

題廣昌館

云館在隨州棗陽縣南

白水龍飛已幾春

選東京賦我世祖忿之乃龍飛白水薛綜曰世祖謂光武白水謂南陽白水縣世祖所起之處也

偶逢遺跡問耕人

邱墳發掘當官路

有近親

後漢劉隆傳時天下墾田多不以實帝見陳留吏牘上書云穎川宏農可問河南南陽不可問帝詰吏由不服時顯宗為東海公年十二日河南帝城多近臣南陽帝鄉多近親田宅踰制不可為進帝詰問吏乃服如顯宗對

即張孟陽七哀詩而以四語道盡何等朗快

虛虛道景言情卻有雅味 第四句謂其夢也

起二句道得直率無限感慨

寄隨州周員外

陸孟邱楊久作塵方云公與陸長源孟叔度邱穎楊疑及周君巢同為董晉幕客故也同時存者

更誰人金丹別後知孫云周好金丹服餌之術柳子厚集中有答周君巢論餌藥久壽書是也乞

取刀圭救病身本草凡散藥有云刀圭者十分方寸匕之一準如梧桐子大也方寸匕者作匕正方一寸抄散取不落為度

酒中畱上襄陽李相公

諸本作醉中畱別襄州李相公原注謂逢吉也

嗣立補注舊唐書李逢吉傳憲宗罷逢吉政事出為劍南東川節度使穆宗即位移襄州刺史山南東道節度使李儉與退之不合此詩乃若是歡洽何也

濁水汙泥清路塵選曹子建詩君若清路塵妾若濁水泥還曾同制掌絲綸

眼穿長訝雙魚斷見卷五奇虛全詩注

耳熱何辭數爵頻漢揚雄傳酒後耳熱銀燭未銷窗送曙

金釵半醉座添春一作座添春人乃知賦梅花不獨宋廣平也知公不

頤聯鍛鍊雖工卻未渾化頸聯興趣自佳

杜詩眼穿黃落日

第六句用前句理

後有遺賢之意依注

作深為是

久歸釣軸應許閒官寄病身

去歲自刑部侍郎以罪貶潮州刺史乘驛赴

任其後家亦遣逐小女道死殯之層峰驛旁

山下蒙恩還朝過其墓畱題驛梁諸本只作題驛梁下有注字與

此題少異

嗣立補注公集女孥續銘女孥韓愈第四女也愈為少

秋官斥之潮州女孥年十二與致走道死于商南層峰驛即瘞道

南山下

數條藤束木皮棺草殯荒山白骨寒驚恐入心身已

病扶鼻音鼻沿路眾知難繞墳不暇號三市禮記延陵季子長子死葬於贏

設祭惟聞飯一盤荆楚歲時記祭子推文黍飯一盤致汝無

辜由我罪百年慙痛淚關干種子美詩相視涕關干

用事親切有味
下句不切且不知何為用惟聞二字

毛色當從英華作衫
色唐人馬詩用彩色
者非一
三四與趣佳最得賀
友人馬意
賢者不得志而至於
從我則時可知矣元
勛大老亦不可以久
棄於外也因一馬之
微而倦倦於否之選
亦公之意於是遠矣
亦是虛虛道意第六
句最醒快振起通首
精神

賀張十八祕書得裴司空馬

一作酬張祕書
因騎馬贈詩

嗣立補注舊唐書張籍傳籍自太常寺太祝轉國子助
教祕書郎裴度傳穆宗即位進位檢校司空兼充押北
山諸
蕃使

司空遠寄養初成毛色桃花眼鏡明

爾雅馬黃白雜毛曰駮
郭璞曰今之桃花馬選

赭白馬賦
雙瞳夾鏡

落日已曾交轡語春風還擬並鞍行長令奴

僕知飢渴須著賢良待性情旦夕公歸伸拜謝免勞

騎去一作去騎

逐雙旌方云裴詩有他日著鞭
能顧我之語故云爾

杏園送張徹侍御

一無侍
御二字
歸使
一無歸
使二字

方云徹時以幽州判官趨朝半道有詔還之仍遷侍御
史從張宏靖之請也其實徹已抵京但未朝見耳舊傳
云續有張徹自遠使歸是也杏園
在長安城南詳見卷三杏花詩注

東風花樹下送爾出京城久抱傷春意新添惜別情

歸來身已病相見眼還明更遣將詩酒誰家逐後生

雨中寄張博士籍侯主簿喜

放朝還不報半路蹋泥歸宋云疑以雨放朝而有司失於
關報行至半路乃得報而歸也雨慣

曾無節雷頻自失威見牆生菌徧憂麥作蛾飛述異記
晉太康

歲晚偏蕭索誰當救晉饑左傳僖公十三年冬
晉荐饑使乞糴于秦

奉和一無奉
和字兵部張侍郎酬鄆州馬尚書祇一作祇
被

召途中見寄開緘之日馬帥已再領鄆州之

作一無鄆州之作字
原注張謂張賈

名貴

嗣立補注舊唐書馬總傳元和十四年遷檢校刑部尚
書鄆州刺史天平軍節度鄆曹濮等州觀察等使就加
檢校尚書
左僕射

來朝當路日承詔改轅時再領須句

音國
左傳僖公二十
一年邾人滅須

雨雷常事而下語新
慣字人亦罕用

此聯文藉以為第
豈謂天然成句鍊之
淨而泯其迹耶
魯道為少嫌之虛既
切秋官仍雙關耶

句杜預曰須句在
東平須昌縣西北
仍遷少昊司
韓云秋帝少昊蓋主刑而
宿麥清雨卷歸旗賴寄新珠玉長吟慰我思
總加檢校刑部尚書故云
暖風抽

石林詩話蔡天啟言嘗與張文潛論韓柳五字警句文潛舉退之暖
風抽宿麥清雨卷歸旗子厚壁空殘月曙門掩候蟲秋皆集中第一

早春與張十八
一無十博士籍遊楊尚書林亭

寄第三閣老兼呈白馬二閣老

方云白居易為馮宿也第三閣老楊於陵之子嗣復也白
和詩只作楊舍人林池嗣立補注舊唐書楊嗣復傳字
繼之僕射於陵子也擢進士第長慶元年十月以庫部
郎中知制誥正拜中書舍人馮宿傳宿東陽人元和十
二年從裴度東征為彰義軍判官淮西平拜比部郎中
長慶二年拜中書舍人白居易傳字樂天太原人文辭
富麗尤精于詩筆長慶元年十月轉中書舍人云閣
老二字按楊綰傳故事書舍人年久者為閣老云

牆下春渠入禁溝
一作渠冰初破滿渠浮鳳池近日長
先暖流到池時更一作不流

奉使常山早一無次太原呈副使吳郎中

方云公使鎮州吳丹以駕部郎中副行嗣立補注舊唐
書穆宗紀長慶元年七月鎮州軍亂節度使田宏正遇
害推衛將軍王廷湊為留後二年二月詔雪王廷湊仍令
兵部侍郎韓愈往彼宣諭事詳見公本傳唐地理志鎮
州常山郡大都督府本恆州恆山郡元和十五年避穆
宗更名屬河北道又太原府太原郡本并州開元十一
年為府屬
河東道

朗朗聞街鼓晨起似朝時翻翻走驛馬春盡是歸期
地失嘉禾處
書序唐叔得禾異畝同穎獻諸天子王命唐叔歸周公于
東作歸禾周公既得命禾旅天子之命作嘉禾漢書地理
志太原晉陽縣故詩唐
國晉水所出東入汾
思遠儉而用禮乃
有堯之遺風焉風存蟋蟀辭
嗣立補注毛詩蟋蟀刺晉僖公也
此晉也而謂之唐本其風俗憂深暮齒良多感無事涕垂頤

夕次壽陽驛題吳郎中詩後
一作壽陽驛題絕句
蜀本亦注夕次字

唐地理志壽陽縣
屬太原府太原郡

起扇對亦流動有態

風光欲動別長安。春半邊城特地寒。不見園花兼巷柳。馬頭惟有月團團。

鎮州初歸

別來楊柳街頭樹。擺弄春風只欲飛。還有小園桃李在。留花不發待郎歸。
句云云。邵氏問見錄孫子陽為余言近時壽陽驛發地得二詩石唐人跋云退之有倩桃風柳二妓歸途聞風柳已去故云云後張籍祭退之詩云乃出二侍女非此二人邪

比擬殊妙風致出筆尖溢

同水部張員外曲江春遊寄白二十二舍人

一作同張水部籍 遊曲江寄云云

嗣立補注舊唐書張籍傳累授國子博士水部員外郎轉水部郎中卒世謂之張水部云曲江見卷三杏花詩注云白樂天集有和篇後世傳韓白無往來之詩非也

漠漠輕陰晚自開。青天白日映樓臺。曲江水滿花千樹。有底忙時不肯來。

和水部張員外宣政衙賜百官櫻桃詩

一作和張水部 救賜櫻 前四句鄭重正蓄無所報三字之勢 結句收出宣政衙 桃詩 非趁韻

漢家舊種明光殿。帝還書本草經。豈似滿朝承雨露。共看傳

賜出青冥香。隨翠籠擎初到。色映銀盤寫未

停。報空然慙汗仰皇局。

嗣立補注禮記器之漑者不寫其餘皆寫注謂傳之器中在子美野人送朱櫻詩數回細寫愁仍破 仿佛效摩詰作

早春呈水部張十八員外二首

此詩卻不落中唐 魏宗昏荒不復可以 有為公雖立朝徒俯 仰默歎而已自自知 無所報者正傷欲報 而無路也公寄崔立 之詩無能食國惠豈 異矣靡羅其即慙汗 二字注脚乎

景絕妙寫得亦絕妙

粗鹵中卻有逸致

是淺調屬對卻工頗類初唐

注假或作暇按暇字佳假字與勝仙不相應

天街小雨潤如酥。草色遙看近卻無。最是
一年春好處。絕勝花柳滿皇都。
莫道官忙身老大。即無年少逐春心。憑君
先到江頭看。柳色如今深未深。

送桂州嚴大夫

一有赴任二字公自注同用南字原注嚴謨也

嗣立補注唐地理志桂州始安郡中都督府

蒼蒼森八

閣本作八月

桂

一作樹山海經桂林八樹在黃鵬東郭璞曰樹成林言其大也賈隅音番禺選天台山賦八桂森挺以凌

霜

作樹

在。湘南江作青羅帶。山如碧玉簪。

祖舍切與簪同

梁劉孝威詩金髮臨鬢斜蘇東坡云退之詩江作青羅帶子厚詩海上羣山似劍斨子瞻為之對曰繫瀝豈無羅帶水割愁還有劍斨山翠羽家。自種黃甘遠勝登仙去。飛鸞不假一作暇驂。

奉酬天平馬十二僕射暇日言懷見寄之作

見前奉和兵部張侍郎酬鄆州馬尚書詩注

天平篇什外。政事亦無雙。威令加徐士。儒風被魯邦。

王云劉夢得天平軍節度使聽壁記惟郗在春秋為須句之國宣精在上奎為文宿畫野在下魯為儒邦禹貢海岱及淮為徐州前漢以徐隸臨淮則徐亦魯也詩常武省此徐清為公論重。寬得士心降。歲晏偏相憶。

長謠坐北窗

選劉越石詩引領長謠

奉使鎮州行次承天行營奉酬裴司空

一有相公字

竄逐三年海上歸。逢公復此著征衣。旋吟佳句還鞭馬。恨不身先去鳥飛。

鎮州路上謹奉酬裴司空相公重見寄

銜命山東撫亂師。日馳三百自嫌遲。風霜滿面無人識。何處如今更有詩。

神護非賢者莫能當西是善頌

二詩能道出大賢功
成多心事不高不卑
與世推移而主張自
在細玩深有腴味
次聯是感恩故有味

奉一無和僕射裴相公感恩言志

文武成功後，居為百辟師。林園窮勝事，鐘鼓樂清時。
擺落遺高論，雕鐫出小詩。自然無不可，范蠡爾其誰。

史記越王勾踐世家范蠡事越王滅吳報會稽之恥以為大名之下難以久居乃裝其輕寶乘舟浮海以行終不反
詩話云慶歷中西師未解晏元獻為樞密使會大雪置酒西園歐陽永叔賦詩云須憐鐵甲冷徹骨四十餘萬屯邊兵晏曰昔韓愈亦能作言語赴裴度會但云林園窮勝事鐘鼓樂清時不曾如此作開

和一作裴亭僕射相公朝迴一作迴朝見寄

盡瘁年將久，公今始暫閒。事隨憂共減，詩與酒俱還。
放意機衡外，收身矢石閒。秋臺風日迴，正好看前山。

奉和李相公題蕭家林亭原注逢吉

樊云蕭氏在唐最盛瑤嵩華復俊實傲遇凡入葉宰相高第在城南布政坊賓第在城南永樂坊見長安志

山公自是林園主

晉山簡傳鎮襄陽時諸習氏荆土豪族有佳園池簡每出遊嬉多之池上置酒輒醉名之曰高陽池時有兒童歌曰山公出何許往至高陽池日夕倒載歸醉無所知詳見卷二歸彭城詩注

洞幽深門盡鎖，不因丞相幾人知。

奉和杜相公太清宮紀事陳誠上李相公十

六韻一作杜相公太清宮十六韻紀事陳誠上李相因和原注杜謂元穎也

嗣立補注舊唐書杜元穎傳貞元末進士登第穆宗即位拜戶部侍郎承旨長慶元年以本官同平章事立宗紀天寶元年陳王府參軍田同秀上言立元皇帝見于丹鳳門之通衢告錫靈符在尹喜故宅上遣使就函谷關尹喜臺西發得之乃置立元廟于大寧坊親享新廟九月改為太上立元皇帝宮二年改為太清宮

未耜興姬國

史記周本紀周后稷名弃堯舉為農師封于郟號曰后稷別姓姬氏 輶丑倫切 櫟力追切 建夏

家書禹曰子乘四載孔氏云水乘舟陸乘車泥乘輶山乘櫟史記夏本紀泥行乘櫟山行乘輶孟康曰輶形如箕櫟行泥上如淳曰輶車謂以鐵如推頭長半寸施之履下以

在功誠可尚於道詎為華象帝威容大

宏麗精密絕似少陵

仙宗寶歷賒衛門羅戟梁圖壁雜龍蛇禮樂追尊盛
乾坤降福遐四真皆齒列舊唐書玄宗紀天寶元年親享玄元皇帝于新廟莊子號為南華真人文子號

為通玄真人列子號為沖虛真人庚桑子二聖亦肩差維錄初太清宮號為洞虛真人其四子所著書改為真經陽月時之首爾雅十月為陽陰泉

氣未牙殿階一作鋪水碧庭炬坼金葩紫極觀忘倦爾雅十月為陽

補注舊唐書玄宗紀天寶二年三月改天下諸郡玄元廟為紫極宮青詞奏不譁云本朝景靈宮天興殿祝以青詞薦以酒果

用唐制也會音吟音宏宮夜闕選長門賦聲會吟而似鐘音嘈囀才曷切鼓晨櫺陟瓜切

東京賦奏嚴鼓之嘈囀藝味陳奚取嗣立按劉石齡云禮記郊特牲不敢用藝味而貴多品名香薦孔

嘉垂祥紛可錄俾壽浩無涯貴相山瞻峻清文玉絕

瑕代工聲問遠書天工人攝事敬恭加皎潔當天月歲

一作蕤捧日霞唱妍酬亦一作麗俛仰但稱嗟方云唱酬謂李杜稱嗟公自謂

也

昌黎先生詩集注卷第十

松江劉貢九鐫

昌黎先生詩集注卷第十一

外集詩五首

芍藥歌 一本作王司馬紅芍藥歌

丈人庭中開好花更無凡木爭春華翠莖紅藥天力
 與此恩不屬黃鍾家溫馨熟美鮮香起似笑無言習
 君子霜刀翦汝天女勞何事低頭學桃李嬌癡婢子
 無靈性一作性靈競挽春衫來比並欲將雙頰一睇一作稀紅綠
 窗磨徧青銅鏡一罇春酒甘若飴音怡丈人此樂無人
 知花前醉倒歌者誰楚狂小子韓退之

海水 一有詩字

海水非不廣鄧林豈無枝 鄧林事出列子詳見卷八納涼聯句詩注 風波一蕩薄

魚鳥不可依海水饒大波鄧林多驚風豈無魚與鳥

巨細各不同海有吞舟鯨選吳都賦長鯨吞航鄧有垂天鵬事見莊子逍遙

遊篇見卷二北極詩注苟非鱗羽大蕩薄不可能我鱗不盈寸我羽

不盈尺一木有餘陰一泉有餘澤我將辭海水濯鱗

清冷池我將辭鄧林刷羽蒙籠枝海水非愛廣鄧林

非愛枝風波亦常事鱗羽自不宜一作不自疑我鱗日已大

我羽日已脩風波無所苦還作鯨鵬遊

贈崔立之

昔者十日雨子桑苦寒飢哀歌坐空屋一作房不怨但自

悲其友名子輿忽然憂且思褰裳觸泥水裏飯往食

之入門相對語天命良不疑好事漆園吏書之存雄

辭史記莊子列傳莊周嘗為漆園吏嗣立補注莊子大宗師篇子輿與子桑友而霖雨十日子輿曰子桑殆病矣裏飯而往食之至子桑之門則若歌

若哭父邪母邪天乎人乎子輿入曰何故若是曰吾思夫至此極者而弗得也至此極者命也夫千年事已遠二子

情可推我讀此篇日正當雨雪時吾身固已困吾友

復何為薄粥不足裹深泥諒難馳曾無子輿事空賦

子桑詩一本無此二句

贈河陽李大夫

云疑為李芑芑德宗初為河陽節度使公年十二當大歷十四年隨伯兄會遷嶺表會卒從鄭嫂歸葬河陽

時李希烈李惟岳田悅梁崇義朱滔之徒相繼扇變中原騷然故祭鄭嫂文云既克反葬遭時艱難而此詩亦有四海失巢穴之句時年十四五矣公嘗自言十三而

能文恐或然也嗣立補注舊唐書李芑字茂初趙郡人德宗嗣位授檢校太常少卿兼御史中丞河陽三城鎮

使使開一年加檢校左庶子河陽三城懷州節度觀察

四海失巢穴。兩都困塵埃。感恩由猶古字通未一作能報惆
悵空一來裘破一作破裘氣一作竟不暖馬羸一作羸馬鳴且哀。主人
情更重。空使劔鋒摧。

苦寒歌

黃昏苦寒歌。夜半一作半夜不能休。豈不有陽春。節歲一作歲聿
其周一作歲聿君何愛疑有脫字重裘兼味養一作成大賢冰食
葛製神所一作詩憐。填窗塞戶慎。勿出暄風暖。景明年日

遺詩十六首

同竇年韋執中尋劉尊師不遇

方云此詩得於五竇聯珠集。公時任都官外郎。同洛陽令竇牟。河南令韋執中。以訪之。元和五年也。詩以同尋師為韻。人各一首。洪氏年譜亦見。

秦客何年駐仙源。此地深還隨躡鳧騎。嗣立補注。後漢王喬傳。為葉令。入朝。御風而行。張之。但得隻鳥。則所賜尚書官屬履也。來訪馭風襟。嗣立補注。莊子逍遙遊篇。列子

院閉青霞入。松高老鶴尋。猶疑隱形坐。敢起冷然善也。

春雪

片片驅鴻急。紛紛逐吹斜。到江還作水。著樹漸成花。
越喜飛排瘴。胡愁厚蓋砂。兼雲封洞口。助月照天涯。
暝見迷巢鳥。朝逢失轍車。呈豐盡相賀。寧止力耕家。

贈族姪上或有徐州字

我年十八九。壯氣起曾中。作書獻雲闕。辭家逐秋蓬。

歲時易遷次身命多厄窮一名雖云就片祿不足充
今者復何事卑棲寄徐戎蕭條資用盡濩落門巷空
朝眠未能起遠懷方鬱悰擊門者誰子問言乃吾宗
自云有奇術探妙知天工既往悵何及將來喜還通
期我語非佞當爲佐時雍

嘲鼾睡二首

澹師晝睡時聲氣一何猥頑颺吹肥脂坑谷相嵬磊
雄哮乍咽絕美發壯益倍有如阿鼻尸長喚忍衆罪

洪云李希聲家有退之遺詩數十篇希聲云皆非也獨
嘲鼾睡一篇似之錄于末嗣立按周紫芝竹坡詩話退
之遺文中載嘲鼾睡二詩話極怪譎退之平日未嘗用
佛家語作詩今云有如阿鼻尸長喚忍衆罪其非退之
作決矣又如鐵佛聞皺眉石人戰搖腿之句大似鄙陋
退之何嘗作是語小兒輩亂真如此者甚衆烏可不辨

馬牛驚不食百鬼聚相待木枕十字裂鏡面生痲痛
鐵佛聞皺眉石人戰搖腿孰云天地仁吾欲責眞宰
幽尋虱搜耳猛作濤翻海太陽不忍明飛御皆惰怠
乍如彭與黥呼冤受菹醢又如圈中虎號瘡兼吼餒
雖令伶倫吹苦韻難可改雖令巫咸招魂爽難復在
何山有靈藥療此願與採

澹公坐臥時長睡無不穩吾嘗聞其聲深慮五藏損
黃河弄瀆瀑梗澀連拙鮫南帝初奮槌一竅洩混沌
迴然忽長引萬丈不可忖謂言絕於斯繼出方袞袞
幽幽寸喉中草木森葶藶盜賊雖狡獪亡魂敢窺閫
鴻蒙總合雜詭譎騁戾狠乍如鬪呶呶忽若怨懇懇

賦形苦不同無路尋根本何能埋其源惟有土一畚

書月

玉盤不磨著泥土。

嗣立補注南史沈炯傳茂陵玉盤遂出人閒

青天孔出白石補。

嗣立補注列子天地亦物有不足故昔者女媧氏選五色石以補闕

兔入臼藏蛙縮肚桂樹枯株

女閉戶。

俱見卷五效玉川子月蝕詩注

陰為陽羞固自古嗟汝下民或敢

侮戲謔盜視汝目瞽。

贈張徐州莫辭酒

莫辭酒此會固難同請看工女機上帛半作軍人旗
上紅莫辭酒誰為君王之爪牙春雷三月不作響戰
士豈得來還家

辭唱歌

王云諸本注云此篇恐非公作今姑存之

抑逼教唱歌不解看豔詞坐中把酒人豈有歡樂姿
幸有伶者婦腰身如柳枝但令送君酒如醉如憨癡
聲自肉中出使人能透隨復遣慳恹者贈金不皺眉
豈有長直夫喉中聲雌雌君心豈無恥君豈是女兒
君教發直言大聲無休時君教哭古恨不肯復吞悲
乍可阻君意豔歌難可為

知音者誠希

選古詩不愁歌者苦但傷知音希

知音者誠希念子不能別行行天未曉攜手踏明月

酬藍田崔丞立之詠雪見寄

京城數尺雪寒氣倍常年泯泯都無地茫茫豈是天
崩奔驚亂射揮霍訝相纏不覺侵堂陛方應折屋椽
出門愁落道上馬恐平鞮朝鼓矜凌起山齋酩酊眠
吾方嗟此役君乃詠其妍水玉清顏隔波濤盛句傳
朝餐思共飯夜宿憶同羶舉目無非白雄文乃獨玄

潭州泊船呈諸公

嗣立補注唐地理志潭州長沙郡屬江南西道元和郡國志隋平陳改潭州曰潭州取昭潭為名

夜寒眠不覺鼓笛鬧嘈嘈閣浪春樓堞驚風破竹篙
主人看使範客子讀離騷聞道松醪賤何須恡錯刀

嗣立補注張平子四愁詩美人贈我金錯刀

飲城南道邊古墓上逢中丞過贈禮部衛員

外少室張道士

原注中丞謂裴度也

偶上城南土骨堆其傾春酒三五盃為逢桃樹相料

音理嗣立按劉石齡云晉王徽之傳桓沖謂曰卿在府聊理日久比當相料理杜子美詩未須料理白頭人不覺中丞喝道

來

池上絮

池上無風有落暉楊花晴後自飛飛為將織質凌清鏡溼卻無窮不得歸

有所思聯句

方云此下三聯句見孟東野集

相思繞我心日夕千萬重年光坐晼晚春淚銷顏容
郊臺鏡晦舊暉庭草滋新茸望夫山上石別劍水中

龍愈

遣興聯句

我心隨月光寫君庭中央
郊月光有時晦我心安所
忘愈常恐金石契斷為相思
腸郊平生無百歲岐路
有四方愈四方各異俗適異
非所將郊駑蹄顧摧秣
逸翮遺稻梁愈時危抱獨沈
道泰懷同翔郊獨居久
寂默相顧聊慨慷愈慨慷丈
夫志可以耀鋒鋌郊遠
甯知卷舒孔顏識行藏愈
朗鑒諒不遠佩蘭永芬芳
郊苟無夫子聽誰使知音揚愈

贈劔客李園聯句

天地有靈術得之者唯君
郊築爐地區外積火燒氛

氤愈照海鑠幽怪滿空敲
異氛郊山磨電奕奕水淬
龍螭愈太一裝以寶列仙
篆其文郊可用懾百神
豈唯壯三軍愈有時幽匣
吟忽似深潭聞郊風胡久
已死此劔將誰分愈行當
獻天子然後致殊勳郊豈
如豐城下空有斗閒雲愈

新添詩五首

俱從文集錄入

鄆州谿堂詩

嗣立按公集鄆州谿堂詩序馬總為鄆曹漢節度觀察等使為堂于居之西北隅號曰谿堂

帝奠九壘與塵同有葉有年有荒不一作有條河岱之間及我
憲考一收一作收正之視邦選侯以公來尸公來尸之人
始未信公不飲食以訓以徇孰饑無食孰呻孰歎孰

冤不問不得分願孰為邦蝨一作蜂音義同節根之螟羊很狼

貪嗣立補注史記項羽本紀復如羊貪如狼以口覆城吹之煦之摩手拊之箴一作箴

之石之膊而磔之左傳成公二年殺而膊諸城上在預巨膊磔也凡公四封既富以

疆謂公吾父孰違公令叶平聲可以師征不寧守邦公作

谿堂播播流水淺有蒲蓮深有葭葦公以賓燕其鼓

駭駭周禮鼓皆駭鄭氏云疾雷擊鼓曰駭選西京賦駭雷鼓公燕谿堂賓校醉飽流有跳

魚岸有集鳥既歌以舞其鼓考考公在谿堂公御

琴瑟公暨賓贊稽經諷音律施去聲用不差人用不屈

谿有贊毗賓切與萍同菰音孤與菰同有龜有魚公在中流右詩左書

無我斲音亦遺此邦是麻

送張道士

公送張道士序云張道士嵩高之隱者通古今學有文武長材寄迹老子法中為道士以養其親九年聞朝廷將治東方有請貢賦之不如法者三獻書不報長揖而去京師士大夫多為詩以贈而屬愈為序云公遺詩有飲城南道邊古墓上逢中丞過贈兵部衛員外少室張道士豈此道士邪

大匠無棄材尋尺各有施况當營都邑杞梓用不疑

張侯嵩高來面有熊豹姿開口論利害劍鋒白差差

恨無一尺捶一作筆為國答羌夷詣闕三上書臣非黃冠

師臣有膽與氣不忍死茅茨又不媚笑語不能伴兒

嬉乃著道士服眾人莫臣知臣有平賊策狂童不難

治平聲其言簡且要陛下幸聽之天空日月高下照理

不遺或是章奏鯨裁擇未及斯寧當不埃報歸袖風

披披答我事不爾吾親屬吾思昨宵夢倚門手取連

環持今日有書至又言歸何時霜天熟柿栗收拾不
可遲嶺北梁可構寒魚下清伊一作既非公家用且復
還其私從容進退間無一不合宜時有利不利雖賢
欲奚爲但當勵前操富貴非公誰

送鄭十校理

公自注
得洛字

舊唐書鄭餘慶傳子瀚本名涵以文宗藩邸時名同改
名瀚貞元十年舉進士以父謫官累年不任自祕書省
校書郎遷洛陽尉充集賢院修撰改長安尉集賢校理
云公以元和四年六月爲都官員外郎分司東都涵
求告來寧公於其行作序并詩以送之
蓋五年春也故有歸騎春衫薄之句

相公倦台鼎分正

一作

新邑洛才子富文華校讎天祿

閣

嗣立補注三輔故事天祿閣在大殿北以閣祕書

壽觴佳節過歸騎春衫一作薄鳥

晴正交加楊花其紛泊親交

一作

誰不羨去去翔寥廓

嗣立補注漢司馬相如傳鳴已翔乎寥廓之
字交選謝玄暉詩寄言尉羅者寥廓已高翔

送汴州監軍俱文珍

韓云董晉爲汴州陳留節度使治汴州俱文珍爲監
軍公爲觀察推官文珍將如京師作序并詩以送之

奉使羌池靜臨戎汴水安冲天鵬翅闊報國劔鉞寒

曉日驅征騎春風詠采蘭

選東廣徵補亡詩循彼南陔言采其蘭
善曰循陔以采香草者將以供養其父

母誰言臣子道忠孝兩全難

石鼎聯句詩

石鼎聯句詩序元和七年十二月四日衡山道士軒轅
彌明自衡下來舊與劉師服進士衡湘中相識將過太
白知師服在京夜抵其居宿有校書郎侯喜新有能詩
聲夜與劉說詩彌明在其側貌極醜白鬚黑面長頸而
高結喉中又作楚語喜視之若無人彌明忽軒衣張眉
指鑑中石鼎謂喜曰子云能詩能與我賦此乎劉往見
衡湘間人說云年九十餘矣解捕逐鬼物拘囚蛟螭虎
豹不知其實能否也見其老頗貌敬之不知其有文也

唐德宗刊顧氏本

聞此說大喜即援筆題其首兩句次傳於喜喜踊躍即
綴其下云云道士啞然笑曰子詩如是而已乎即袖手
竦肩倚北牆坐謂劉曰吾不解世俗書子為我書因高
吟曰龍頭縮齒齋豕腹漲彭亨初不似經意詩旨有似
譏喜二子相顧慙駭欲以多窮之即又為而傳之喜喜
思益苦務欲壓道士每營度欲出口吻聲鳴益悲操筆
欲書將下復止竟亦不能奇也畢即傳道士道士高踞
大唱曰劉把筆吾詩云云其不用意而功益奇不可附
說語皆侵劉侯喜益忌之劉與侯皆已賦十餘韻彌明
應之如響皆穎脫含譏諷夜盡三更二子思竭不能續
因起謝曰尊師非世人也某伏矣願為弟子不敢更論
詩道士奮曰不然章不可以不成也又謂劉曰把筆來
吾與汝就之即又唱出四十字為八句書訖使讀讀畢
謂二子曰章不已就乎二子齊應曰就矣道士曰此皆
不足與語此寧為文邪吾就子所能而作耳非吾之所
學於師而能者也吾所能者子皆不足以聞也獨文乎
哉吾語亦不當聞也吾閉口矣二子大懼皆起立牀下
拜曰不敢他有問也願聞一言而已先生稱吾不解人
閒書敢問解何書請聞此而已道士寂然若無聞也累
問不應二子不自得即退就坐道士倚牆睡鼻息如雷
鳴二子怛然失色不敢喘斯須曙鼓動夔夔二子亦困
遂坐睡及覺日已上驚顧覓道士不見即問童奴奴曰

天且明道士起出門若將便旋然奴怪久不返即出到
門覓無有也二子驚惋自責若有失者聞遂詣余言余
不能識其何道士也嘗聞有隱君子彌明豈其人邪韓
愈序云石鼎聯句詩或云皆退之所作如毛穎傳以
文滑稽耳軒轅寓公姓彌明寓公名侯喜師服皆其弟
子也余曰不然公與諸子嘲戲見於詩者多矣皇甫湜
不能詩則曰倚擔糞壤問孟郊思苦則曰腸肚鎮煎爛
樊宗師語澀則曰辭慳義卓闕止於是矣不應譏謂輕
薄如是之甚也且序云衡山道士軒轅彌明貌極醜白
鬚黑面長頸而高結喉中又作楚語年九十餘此豈亦
退之自謂邪予同年李道立云嘗見唐人所作賈島碣
云石鼎聯句所稱軒轅彌明即君也鳥范陽人彌明衡
山人島本浮屠而彌明道士附會之妄無可信者獨仙
傳拾遺有彌明傳雖祖述退之之語亦必有是人矣聯
句若以為公作則若出一口矣今讀其劉侯句不及彌
明遠甚何至是邪蓋問君子損己以成人之美未聞抑
人以取勝也宋云此詩句法全類韓公而或者所謂寓
公姓名者蓋軒轅反切近韓字彌字之義又與愈字相
類即張籍所譏與人為無實駁雜之說者也故竊意或
者之言近是洪氏所疑容兒聲音之陋乃故為幻語以
資笑諢又以亂其事實使讀者不之覺耳若列仙傳
則又好事者因此序而附著之尤不足以為據也

巧匠斲山骨劄中事煎烹師服直柄未當權塞口且

吞聲喜龍頭縮菌蠢嗣立補注交選南都賦芝房菌蠢生其隈豕腹漲彭亨彌明

遭焚意彌貞喜謬當鼎鼐閒安使水火爭彌明大似

烈士膽圓如戰馬纓師服上比香爐尖下與鏡面平

喜秋瓜未落蒂凍芋強抽萌彌明一塊元氣閉細泉

幽竇傾師服不值輪寫處焉知懷抱清喜方當洪鑪

然益見小器盈彌明皖皖華縮切一作宛宛無刃迹莊子天地篇皖皖然在綴綴之

團團類天成師服遙疑龜負圖出曝曉正晴喜

刃有雙一作雙耳穿上為孤髻撐或訝短尾銚徒甲切又似無

足鏞初耕切師服可惜寒食毬擲此傍路坑喜何當出灰

炮徐也切無計離餅罌彌明陋質荷斟酌狹中愧提擎師

服豈能煮仙藥但未汗羊羹喜形模婦女笑度量兒

童輕彌明徒示一作示堅重性不過一作合升一作斗盛一作成師服

傍一作傍似廢轂仰側見折軸橫喜時於蚯蚓竅微作蒼

蠅鳴彌明以茲一作怒翻溢愆實負任使誠師服常居顧

眄地敢有漏洩情喜寧依暖熱弊不與寒涼并彌明

區區徒自效瑣瑣不足呈喜諸本無喜字迴旋但兀兀開闔

惟鏗鏗師服全勝瑚璉貴空有口傳名豈比俎豆古

不為手所撐除庚切洪本作振博雅撐揆也淮南子子路撐溺而受牛謝注撐舉也磨礮去圭角

浸潤著直略切光精願君莫嘲誚此物方施行彌明


昌黎先生詩集注卷第十一

跋

聞之松楸納秘記齊相之遺書齋白題銘志中郎之
餘慶凡石室名山之製藉通儒大雅以存矧夫丹篆
曾吞紫霞爲佩變齊梁之麗藻軼漢魏之雄深吏部
文章元和雅頌宜乎手胼口沫致萬本之流傳句解
節疏作千秋之尙論此竹垞義門兩先生所以各有
評韓詩之舉也余外大父博西齋先生學通五際才
冠九能古訓旁搜供目耕者籤二百奇觚親校經手
鈔者紙八千繫此宏編尤深篤嗜杜預之傳左氏癖
乃成名堯卿之慕坡公幻頻入夢以詞家之別白資
藝苑之雌黃實義華聲激賞在酸鹹以外英思密緒

推敲超楮墨之餘洵詩國之功臣亦文公之諍友惟
是青箱久度翠帙未雕鴻寶徒珍夫枕中雞林誰播
之海外承學之士罕所據依不佞幼讀孝寬之書長
侍鎮西之座芸香幸接荻訓彌勤爰乃發彼蘭函鋟
之棗木丹鉛勘異脫訛兼訂之他書朱墨標新題品
儼符夫古史瀏覽者易窺其趣尋繹者無害其辭於
先生昔日論詩之旨庶幾其不朽焉嗟乎光芒萬丈
誰爭峻望於斗山香火一龕乍衍師承於今古從此
鶴翎共振蚓竅無訾金薤琳琅將追供奉拾遺而上
玉堂耆舊猶憶鴛湖虎阜之間時
道光十有六年歲在丙申六月初吉長白穆彰阿謹

跋



自委計集注跋

二

